



Synfocity = 1049

mail us at : mzsynfo@gmail.com; mizoramsynod@gmail.com - Phone - 2314648

September 3, 2026

❑ Synod Finance Committee vawi 159-na

September 2, 2026 (Nilaini) chawhma dar 10 khan J.M. Lloyd Hall, Synod Office-ah Synod Finance Committee vawi 159-na an thui.

Meeting hi Synod Moderator, Rev. John Raldosanga'n a kaihrui a, Rev. Dr. K. Lallawmzuala, Finance Officer-in report a pe. Report-ah hian Bial leh Kohhran hrang hrangah Account Training leh Finance Campaign neih a nih thu te, Synod Financial Report 2025-2026 peih fel a nih thu te, Reserved Fund dah belh a nih thu te, Synod Sum vawn Dan en that chungchanga hmalak mek a nih thu te, Financial Year 2025-2026 chhunga Synod sum hrang hrang te Audit zawh a nih thu te, Income Tax Sub Committee hmalakna hrang hrang te leh April 2026-August 2026 chhunga Synod sum dinhmun te tarlan a ni.

Tun tumah hian thu ngaihtuah tur agenda panga chhawp chhuah a ni.

❑ Ramthar Ni

August 31 (Thawhtanni) kha Kohhran ni pawimawh Ramthar Ni a ni a, Mizorama Presbyterian Kohhran rawn dintu Rev. David Evan Jones (Zosaphluia) Mizorama rawngbawl tura a lo thlen ni a nih avangin Mizoram Presbyterian Kohhran tan ni pawimawh bik a ni. Kum 1972 Mizoram Synod Inkhawmpui chuan, Synod Ramthar Board-in, 'August 31 Pu Zosaphluia Mizorama a lo thlen ni hi Synod Ramthar Ni atan hman ni se,' tia a rawtna chu pawmin kum 1973 atang khan August 31 chu Ramthar Ni atan hman tan a lo ni ta a ni.

Mizoram Presbyterian Kohhran chuan kumin Ramthar Ni pual hian tum khat inkhawm atan programme a siam a, thupui inang tlang 'Hawh u, lal chhungte i va hrilh ang u' (2 Lalte 7:8-11) chu zir ho a ni.

❑ Beihruai

Kumin 2026 Beihruai thla kan lo thleng leh ta a, Beihruai programme hi September 1 atang khan hman tan a ni a, Beihruai chhung hian Ramthar Hapta leh Kristian Chhungkaw Hapta bakah Nilai Thupui kal zel chhunzawmna leh Pathian fak hla sak chungchang kan zir dawn a ni. September 1-6 chhung hian 'Ramthar Hapta' hman a ni a, ni 7-20 chhungin Nilai Thupui kal zel chhunzawm a ni ang a, ni 21-27 chhungin 'Kristian Chhungkaw Hapta' hman a ni ang a, ni 28-30 chhungin Pathian fak hla sak leh Beihruai kharnain hun hman a ni ang.

Beihruai hi kum 1918 June thla atanga hman tan a ni a. A tir lamah chuan January thlaah te, April thlaah te hman thin a ni a, kum 1925 atangin September thlaah neih thin a ni. Kum 1947 atangin Nilai Zan Thupui Bu leh Beihruai Thupui hi bu khata siam tan niin kumin hi Beihruai kan hman kum 108-na a ni.

Kohhran a lo pung zel a, Beihruai kan hman dan pawh a lo danglam ve zel a. Ringlo mite beihna atan chauh ni lovin ringtute intihchakna lam te, kohhran inpumkhatna lam te, Kristian chhungkua tihchakna leh ramthar rawngbawlina lama intihsawtna lam atan pawh kan hmang ta zel a ni.

❑ Campus Ministry

August 27-28, 2026 chhung khan Presbyterian English School, Salem vengah Crusade neiin hun an hmang a. He hunah hian kan Tv. Lalrinchhana, Counsellor bakah Resource Person pathum - Rev. Zosangliana Colney, Pu C. John Saiparlina leh Nl. Laltlankimi te an kal a, zirlai naupang te bakah Nu leh Pa pualin hun hman a ni bawh.

❑ MSSU

September 5, 2026 (Inrinni) hian Sunday School Zirtirtu Training neihpui turin Trainer-te hetiang hian an chhuak ang:

Bangalore Bial : Upa Lalthahluna Ralte leh Upa H. Lalnghinglova

Darlawn Bial : Upa K. Zoremsanga, Upa B. Hmingthanruala leh Upa Lalrinawma Ralte

Ngopa Bial : Upa K. Vanlalnghaka, Upa B. Malsawmtluanga leh Upa C. Lalbiaksanga

❑ **Mizoram Christian College (MCC)**

August 27, 2026 (Ningani) khan Mizoram Christian College NSS chuan Blood Donation Camp an buatsaih a, Civil Hospital Blood Bank tan thisen unit 110 (Mipa 95 leh Hmeichhia 15) an pe.

❑ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw	zat	Pek zat
1.	Bawngkawn East	Damlo	1	₹	10,000/-
2.	Tuirum	Damlo	1	₹	10,000/-
3.	Palsang	Damlo	1	₹	10,000/-
4.	North Chawnpui	Damlo	1	₹	10,000/-
5.	Venglai East, Kolasib	Damlo	1	₹	10,000/-
Belh khawm				₹	50,000/-

❑ **FM Zoawi - Aizawl & Lunglei : Hruaina Eng Radio Programme**

September 4, 2026 (Zirtawpni) @ 7:30 p.m. :

Solo : C. Lalrindiki- Mamawh chhanna, **Zaipawl :** Hunthar Bial Zaipawl - I ta ni zel rawh se,
Thusawi : Rev. B. Lalnunhlua - Innghahna dik, **Solo :** Isak Malsawmtluanga - Ka chakna, **Zaipawl**
 : Airfield Vengthar Bial Zaipawl - Lalpa leh a mite

❑ **Hruaina Eng TV Programme**

03.9.2026 (Ningani) 08:30 pm : Thupui zir bing
04.9.2026 (Zirtawpni) 05:00 pm : Kristian Naupang Pual
05.9.2026 (Inrinni) 05:30 pm : Puitling Sunday School Zirlai
06.9.2026 (Pathianni) 07:00 am : Sermon - Rev. C. Lalfakzuala, Teikhang
08.9.2026 (Thawhlelni) 06:00 pm : Nilai zan thupui
 08:30 pm : Kohhran Chanchin - Republic Vengthlang Kohhran

❑ **Moderator leh Executive Secretary-te Programme :**

Rev. John Raldosanga, Moderator Programme:

Sept. 4-6, 2026 Saitual Chhimveng Bial leh Saitual Bial
 Sept. 8, 2026 Lunglawn Kohhran (Zan)
 Sept. 9, 2026 Chhimbial Committee, Lunglei
 Sialsuk Kohhran (Zan)
 Sept. 10, 2026 TEB
 Sept. 11, 2026 Synod Lay Workers Fellowship Annual Meeting (Lay Day) hmanpui

Rev. Dr. V.L. Luaia Hranleh, Senior Executive Secretary Programme:

Sept. 4-7, 2026 SEC thurel bawhzui - Delhi
 Sept. 8-9, 2026 Chhimbial Committee, Lunglei
 Sept. 10, 2026 TEB
 Sept. 11, 2026 Recruitment Rules Enthatu Committee

Rev. Dr. K. Lallawmzuala, Executive Secretary Programme:

Sept. 4, 2026 Women Centre Committee
 Sept. 8, 2026 Jordan Centre Managing Committee
 Sept. 9, 2026 Hospital Consultative Committee
 Sept. 10, 2026 John Williams Hospital Committee, Lunglei
 Sept. 11, 2026 Synod Lay Workers Fellowship (Lunglei Branch) Annual Meeting hmanpui

Rev. Dr. Rosiamliana Tochhawng, Executive Secretary Programme:

Sept. 3-5, 2026 Evangelical Fellowship of India meeting - Jaipur
 Sept. 6, 2026 Sihphir Venglai Kohhran
 Sept. 7-15, 2026 Field Committee - Tripura, Karbi Anglong leh Assam Mission Field

